



Prot 22/12

BASHKIA E TIRANËS
DREJTORIA E PËRGJITHSHME E PLANIFIKIMIT DHE MENAXHIMIT TË SHËRBIMEVE

Nr. prot. R-16787/1

Tiranë 05/11/2012

Drejtuar: Z. Dorjan Matlija ✓
Z. Andi Kananaj
Përfaqësues të Subjektit "Res Publica"
Blv "Zhan D'Ark", Godina 3
Njësia Bashkiake Nr. 2
Tiranë

Lënda: Kthim Përgjigje

Te nderuar,

Në përgjigje të shkresës me nr. prot., R-16787 datë 23.10.2012, Drejtoria e Menaxhimit të Strehimit dhe Shërbimit Social, ju bën me dije se:

Bashkia e Tiranës me shkresën nr. prot. 5312/1, datë 02.08.2007, i ka dërguar dhe vënë në dispozicion Entit Kombëtar të Banesave listën e mbartur në vite të qytetarëve të pastrehë, qiramarrës në banesat pronë e subjekteve të shpronësuar sipas ligjit nr. 8030, tashmë të shfuqizuar. Gjithashtu, po në vitin 2007, Enti Kombëtar i Banesave bazuar në listat e sipërpërmendura, ka bërë verifikimin në vend të qytetarëve të klasifikuar në këtë kategori, duke rifreskuar listën përkatëse.

Prej vitit 2009 e në vijim, Enti Kombëtar i Banesave si struktura e përcaktuar për trajtimin e familjeve që jetojnë në shtëpi ish pronarësh me kredi të lehtësuar nga shteti me interes 0%, ka proceduar për të gjithë qytetarët të cilët, pas procesit të verifikimit, kanë rezultuar banorë në shtëpi ish pronarësh. Është ky Institucioni përgjegjës pranë të cilit mund të informoheni më hollësisht në lidhje me vijimin e kreditimit të këtyre familjeve.

Nga ana tjetër, ju informojmë se Bashkia e Tiranës i trajton të pastrehët nën juridiksionin e saj, në bazë të ligjit të strehimit nr. 9232, datë 13.05.2004, për "Programet sociale për strehimin e banorëve të zonave urbane" (i ndryshuar), mbi bazën e të cilit të gjithë qytetarët duhet të aplikojnë në fazën e parë pranë njësive bashkiake ku figurojnë të regjistruar, duke plotësuar formularin e strehimit, në të cilin qytetarët për zgjedhin njërin prej programeve të zbatim:

1. Banesa me kosto të ulët me normë interesi 3%
2. Banesa sociale me qira

Në përgjigje të interesit tuaj për programin e banesave sociale me qira, ju informojmë se në Shkozë janë ndërtuar rreth 385 apartamente sociale, si kontigjent i parë që pritet t'i jap zgjidhje problemit të strehimit, për familjet që kategorizohen si prioritet në ligjin për strehimin, por edhe familjeve të tjera në nevojë për strehim. Nga të dhënat që Drejtoria e Menaxhimit të Strehimit dhe Shërbimit Social disponon, rezultojnë rreth 1728 familje që kanë përzgjedhur këtë program si formë trajtimi, ndërsa për fazën e dytë të aplikimit kanë administruar dokumentacion rreth 1000 familje, të cilat janë informuar zyrtarisht mbi mungesat e verifikuara. Aplikimet sipas programit të banesave sociale me qira do të vlerësohen nga Komisioni i Strehimit në Bashkinë e Tiranës dhe përfundimet e tij, do të bëhen publike për të gjithë qytetarët e interesuar.

Për më tepër të dhëna mbi programet e strehimit që po gjejnë zbatim dhe procedurat përkatëse, lutemi të informoheni në adresën zyrtare të Bashkisë së Tiranës: www.tirana.gov.al.

Ju falënderojmë për mirëkuptimin.

Drejtor i Përgjithshëm



Taulant Zeneli